



Broj:
Sarajevo, 12.02.2026. godine

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg, g. Marinko Čavara

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 13.2.2026.			
Organizaciona jedinica	Klasifikaciona oznaka	Redni broj	Broj priloga
		01-50-1-532/16	

PREDMET: Zastupničko pitanje u pisanoj formi, dostavlja se

U skladu sa članom 166. i članom 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15 i 78/19, 26/20, 53/22, 59/23 i 87/23, 73/24, 56/25 i 7/26), molim da proslijedite Visokom sudskom i tužilačkom vijeću Bosne i Hercegovine, sljedeće zastupničko pitanje u pisanoj formi:

"Koje konkretne aktivnosti će Visoko sudsko i tužilačko vijeće BiH poduzeti povodom odbijanja Osnovnog suda u Banjoj Luci da pokrene postupak za brisanje Milorada Dodika kao osobe ovlaštene za zastupanje političke organizacije Savez nezavisnih socijaldemokrata (SNSD), odnosno sa funkcije predsjednika SNSD-a iz registra političkih organizacija, da li će biti ispitana odgovornost sudija koji su donijeli ovu odluku i koje mjere VSTV planira poduzeti kako bi se osiguralo izvršavanje pravosnažnih presuda Suda BiH?"

Образложење:

Sud Bosne i Hercegovine je u prvostepenom postupku (predmet br. S1 2 K 046070 23 K) donio presudu 26. februara 2025. godine, pismeno otpravlјenu 24. marta 2025. godine.

Prvostepenom presudom Suda Bosne i Hercegovine, broj S1 2 K 046070 23 K od 26.02.2025. godine, optuženi Milorad Dodik ogлашен je krivim da je počinio krivično djelo neizvršavanje odluka Visokog predstavnika iz člana 203.a stav 1. KZBiH, zbog čega je osuđen na kaznu zatvora u trajanju od 1 (jedne) godine. Na osnovu člana 203.a stav 4. KZBiH, u vezi sa članom 73. KZBiH, optuženom Miloradu Dodiku izrečena je i mjera sigurnosti zabrane vršenja dužnosti predsjednika Republike Srpske u trajanju od 6 (šest) godina, od dana pravosnažnosti presude, s tim da se vrijeme provedeno na izdržavanju kazne zatvora ne uračunava u vrijeme trajanja ove mjere sigurnosti.

Presuda je potvrđena u drugostepenom postupku (predmet S1 2 K 046070 25 Kž 2) na sjednici održanoj 12. juna 2025. godine.


Sud BiH je 16. oktobra 2025. godine dopisom zatražio od Centralne izborne komisije BiH da presuda bude sprovedena u potpunosti. CIK je oduzeo Miloradu Dodiku mandat predsjednika Republike Srpske, ali je naveo da nije nadležan za brisanje iz registra političkih organizacija i prosljedio dopis Osnovnom sudu u Banjoj Luci.

Osnovni sud u Banjoj Luci, odlučujući o prijedlogu Centralne izborne komisije BiH da po službenoj dužnosti pokrene izvanparnični postupak za brisanje Milorada Dodika kao osobe ovlaštene za zastupanje političke organizacije Savez nezavisnih socijaldemokrata (SNSD), odnosno sa funkcije predsjednika SNSD-a, iz registra političkih organizacija koji vodi ovaj sud, u vijeću sastavljenom od troje sudija donio je 24. novembra 2025. godine rješenje broj Rp-9/02 kojim se odbacuje prijedlog CIK-a od 22. oktobra 2025. godine, uz obrazloženje da ni Zakonom o vanparničnom postupku, ni Zakonom o političkim organizacijama, niti bilo kojim drugim zakonom nije propisano da sud koji vodi registar političkih organizacija može po službenoj dužnosti pokrenuti postupak za brisanje osobe ovlaštene za zastupanje političke organizacije iz registra.

Molim da mi se pisani odgovor na postavljeno zastupničko pitanje dostavi u roku koji je propisan članom 171. stav (2) Poslovnika Predstavničkog doma Parlamentarne skupštine Bosne i Hercegovine.

S poštovanjem,

ZASTUPNIK



Dostaviti:

- naslovu;
- a/a.